

東洲草堂詩鈔

東洲艸堂詩鈔卷十三

道州 何紹基 子貞

題張仲遠海客琴筇第二圖

圖爲高麗使  
者李鶴船作

戊申

萬樹春煙綠漸鋪題襟投帽琴閣儒要知中外同文意看到琴

尊第二圖海國吟蹤幾鴻雪蘇船比江天別思滿蒹蒲趙中譜

頌南姚湘坡趙伯厚前衛生汪鑑齋馮景亭潘綱之補之並主人張仲遠俱不在都無端離合傷懷把酒

醒空亭月一瓠

漫書冷泉秋話圖後爲朱誦清

十七年前湖水濱匹鞞竹笠壯游身披圖步步踏痕認春艸秋

霞一愴神余昔與諸弟及許印林楊性農晏筠磨胡光伯王亮生游湖上皆竟日步行今穀弟與筠磨作古人踏友

亦久不相見矣

尙憶西湖六月天行輶剛趁曉涼偏冷泉亭上三人影鴻爪迴

頭又九年

毛多何也遊於州前遊於亭上祠後味再到此亭

兩君蹤迹淡煙淡千里相思步履尋日日煮茶亭上坐泉聲代

汝話秋心

曹巖樵給諫訪君於湖上因有是圖

步月宵尋龍樹庵雪光如海是城南湖山夜色參差似止少梅

花枝兩三

前夜大雪後與翁玉泉路小洲俞巖士浙龍樹寺陶然亭雪後大月一奇觀也

送趙迪齋出牧廣順州卽書蘭友丈書寄呻吟語冊後

自我先公時丈人情最親芝蘭同譜契竹柏歲寒鄰  
君伯仲閒及我弟若昆氣誼亦何厚兩世成塵因念懷酒杯外結實新  
花農道義有切磋嬉笑相彌綸惟君負奇慧頗薄制藝文天官  
地形言毋弗絲不棼一第竟不就得官去牧民黔中吾舊游山  
高地多雲一州傍行省政簡民氣醇弗謂僻且遠人事萬里均  
願君策良駕早稅黔江濱因俗與爲治習勞充厥身高堂北望

遙大有承歡人手墨況寄示累紙言諄諄呻吟述在昔提命宛  
從新但當勤展繹何異親晨昏仲子送兄行別思車轉輪揮手  
自涯返鳴雁高空聞

待潘芝肝師相小飲龍樹寺敬次喜雨詩韵

東風桃李盡含姿野寺虛堂洽宴私古樹虬龍懷往跡淡春燕  
雀見天慈琴尊寫抱身彌健袞繡調元化若馳變理功崇推  
主聖連番賀雨又成詩

黃琴塢仿程青谿臥游圖卷題示劉寬夫

平生不解程青谿畫名垢道殘髡齊臥游圖曾五六見幾曾脫  
盡恆町畦邇來頗詫黃琴五六法精能日近古何事低頭程侍  
郎拚耗春宵雙蠟苴君言此意人未知吾特寄耳豈效之規撫  
暫以法盡勢造化依然心得師假借經營藏樸怪鋪寫奇懷良

一快筆鋒卓處竊願攀墨陣疏時還可戒湘清澹碧吾所鄉亦  
思濡染規大荒可憐一筆不上手空有千峯擄我腸芳樽促坐  
豪翰客愛畫劉侯更同癖待看對雪寫松筠未用倚牆論黑白

集禊帖字題伍燕堂丈流鵲圖

此老少時懷抱暢靜觀激浪會天彭一室雖然竹外坐萬山氣  
向足閒生於今修禊作生日歲歲年年鵲詠清惠樂期弦臨水  
曲隨風散帶寄幽情

乞畫圖顧子山比部同年屬作

子山愛畫俛而乞術出巧偷豪奪外西橋藏畫乞卽與所付得  
人從割愛魯川聞之走告我頗訝嗜痴尋杖疥讀畫方知是非  
偶彥冲往矣我心拜滋融書味得蒼淡髯高人通營款平生  
塗抹定無數妙畫通靈同一蛻褊紙淋漓才幾幅世閒流轉真

織芥千百手眼貴多閱癡涎韵汗相黏帶庶免零珍墮劫灰長  
度淨几充詩械它人若從顧子乞切莫吝慳須慷慨

張石州次韵見贈復答

東柯西枝兩農父所居城中似城外煙雲不到擊底來但逢妙  
畫都能愛劉跡吳藏今餉顧兩詩爭向淨楮疥雖云韵事亦細  
碎何爲冒下龍鬚拜昔聞或作蒼莽游見似人者喜而歎憶從  
北游落塵網如蟬與蛇躩難蛻故山久別寢偶到癯泛江天舟  
一芥狂風吹帷急推枕熱客到門愁東帶慙宜讀畫比看山便  
擬倒冠如脫械乞畫何殊借山隱與君更慙他人慨

感竹園圖應瑞邸教

綠竹美衛武受諫有文章文章視筠節虛受中含光至今淇水  
上餘韻滿篔簹王芻與蕭竹毛義非所詳賢王秉至性少孤悲

中腸

賜居春澤園萬木環奇壠中有水鏡齋夜月明虛廊惟茲竹半  
畝手植自先王娟娟煙雨肅肅經雪霜風骨金玉堅暉采鸞  
鳳翔卽斯典型在但矢愛敬長當年手植時老僕實在勞於今  
話遺事竹意搖蒼涼淚滴竹下土逆筍益成行從茲千萬个葉  
葉衍芬芳有郊終不諼賦詩增傍徨

伊少沂見示劉文清爲尊甫墨卿丈人作書竝丈人自  
書文清詩合裝卷奉題一首

交情專詣固在書日揮百紙擊乃舒至今流轉徧天壤眼中日  
日逢瓊琚韻語闕惜不謂足慧力風趣書之餘墨卿丈人錄成  
卷意在表微仍叩虛藝雖兼進有偏勝難排公論矜私譽丈人  
八分出二篆使墨如漆楮如簡行艸亦無唐後法懸厓瀟雨馳

荒辭不將俗書薄文清覬破天眞開道眼開春堂詩春水明乃  
與諸城竝涵演推挹想見古情性情未侍側聞論辨少沂作吏  
治譜存作書亦惟家法尊貺余十字在齋壁時令愴寂懷汪倫  
十餘年前與少沂未相識承作聯由汪孟慈處贈我今孟慈已作古人矣積年思慕始一見酒杯  
波湧詞瀾翻般勤索書乃到我風尚雅其前賢敦象分真艸止  
一事或源達流流源連晨大雨繁艸木枝葉浩瀚皆本根

孔母陳太恭人壽詩爲繡山舍人作

魯東家氏大宗合陳太恭人九秩登苦節天酬名祿壽春暉庭  
繞子孫曾傳經三世盛圖詠崇本一堂虔祐烝漸屆稱鴈還訓  
誠夜燈紗幔字如蠅

葉潤臣風雨懷人圖

展畫常如促邴俱相忘萍迹隔菰蒲庭柯不改炎涼色句律應



傳主客圖風雨雞鳴鐙一粟雪泥鴻爪酒千瓠祗余江海懷人  
編落月停雲別思紆

爲王子梅題乃翁松隱行看子

何必采桑隱橋清雁鷺行時來松下坐古意到羲皇

王子梅盜詩圖

膏火自焚木自寇性靈自洩誰與守况兼鉤距窮物情造化難  
肩百穿漏詩先有盜盜乃生盜詩者以不平平勸君從此但寂  
坐刮斗折衡民不爭

陶然亭餞俞麟士出守嘉定

疑野小軒常潑墨翰山高閣共尋秋幾人舊雨能狂醉一夜蘆  
花起別愁班傳循良先蜀守唐賢蒼莽有嘉州它時重上江亭  
望極目西南羨壯游

松緣畫禪別寬夫黃琴鳴合作

故山未了種松緣，幾素心人證畫禪。  
難得兩家風，亞筆忽來竝。几雪飛天  
生枯非繫墨，細宏偃妙連庚。後先它日  
梅師真本出，可能根巨擅前賢。

黎月喬侍御酒後索詩贈別疾揮而就

齒牙未及脫鬚髮，初欲蒼行步健黃犢。  
年甫半百強何爲，不自釋日日思歸鄉。  
君言非退尙亦非，有激昂自點烏臺職。  
諫紙積盈筐，十疏九不報。甚愧愚且盲，  
可避賢路游興江湖長。庶幾身世理推  
究，轉精詳。或因著書老，永付名山藏。  
或爲出岫雲，與世敦農桑。出處後難卜，  
臨分祇傍徨。交君廿餘年，情好如弟兄。  
切琢在道義，氏厲有文章。每懷言笑際，  
元氣到混茫。槎牙不及斂，往往見鋒芒。  
豈真好馳騁，甘蹈疏與狂。中有不獲已，  
冀挽俗

頽唐幽思互珍闕直道勉扶襄臭味久益合蘭蕙聯芬芳同志  
豈能多比歲多分翔君復別我去疵謬孰相匡驅車歷燕齊因  
循過徐楊旋飲章貢水始及衡山陽同時普霖潦行省皆報荒  
飢鴻數十萬哀號不成行世離方滿眼能不悲中腸惟當過其  
行早艤湘中航天下山水秀無有如瀟湘屈宋始摹續元柳更  
張皇幽澗最無際曲折實難量湘山不負人自狎塵土黃羨君  
此去好脫落筴與裝布衣濯水源竹杖破山光家園萬梅花開  
出山酒香好其老昆季亦喚兒孫嘗回首望京國一癯醒黃粱  
如有田家詩爲我遠寄將臨行就我酌菊花撐屋梁月色亦何  
好夜半天欲霜離緒不可理語笑斲成場日下才士藪投贈鏘  
琳瑯我詩誠艸艸未免別懷傷

西谿銷夏圖詩

西湖天下勝游跡人人說豈知西湖背西谿更幽絕西湖如佳人  
倩豔足怕悅西谿如靜女淡屋自冰雪我曾谿上宿正值初  
冬節蘆花浩如海小艇來飄瞥夜眠谿上樓心神耿清澈不知  
在杭州何況塵土熱彈指十年事湖山成久別翩然圖畫來煙  
水百曲折詩老發高詠僧語亦頗傑我生惜已遲不共吟槩掣  
但覺空濛景未隨塵事滅哲嗣我所敬敦詩續前轍畫梅枉見  
贈花寒枝屈鐵西谿及歲宴梅花萬藥苗君歸急往游窺破古  
春泄更作吟寒圖足與銷夏埒

五十歲初度日題所藏翁題延年益壽瓦當拓本用蘇  
齋元韻四首蘇齋五十歲時宋芝山以此瓦爲壽爲芝  
山所收三十四瓦之一

北堂護華九九春正符延年益壽篆庭前矩法儼鍾郝淡冬起

居謝俞扁年來老淚愴頻揮  
翫欲承歡候難選今晨跪拜慈顏

閑謂呱呱時如眼轉先公授徒寒把書米鹽缺乏况豐腆學兒

墮地天未明裹攜雙襪真敷衍自翁或譚聿斯術是兒有福天

俾散欣承父責隨京居束髮受書訓典漸聞時譽聯璧誇豈

料中季一枝翦兒今半百吾亦歡壽夭難齊古不免俛聆慈諭

俞且唯惻楚枉心從割勉連宵癡寐多驚唬萬緒蒼涼迫歲宴

靜思煩惱總虛空貴竭婉愉娛聖善敲門詩客幾人來翠墨傳

觀畫簾卷子毅弟與余學生外別忽十年矣今年慘痛頻仍尤難續述老母恐兒傷感特命置酒勿許拒賀客

黃花開過老梅馥淨几鑪煙裊寒篆頻婆甘子安石摘瓊粲堆

盤雜圓扁餽物者止收花果高軒多是豪翰客闕抱亦稱濟時選

廟堂方籌穀祿平蒼赤未免邱壑轉計從夷稜擾江海權與通

商安小腆行省偏災何歲無又苦霖濤荒沃衍安得元氣回瘡

夷大德降祥同祓散萬方益壽懷萬民

聖主延年堯舜典諸君歌頌日鏘鏘小子嚙嚙慚翦瓊瑤六

出初欲飛來日祈雪鈴櫟五更寒不免空江袋笠癯難到凍研尖又

差可勉吳松漕吏繫懷想三弟子敬派松江總運史館寫官多暇宴謂五弟子

愚幽園貯鶴最逋做快雪臨池想安善弟勸兄酬更命酌浮動

花香酒鱗卷容散後復與子愚酌於園屋

繚齋錄瓦百有二謂資說經兼攷篆延年益壽瓦有七或類及

璽或蠟扁芝山此拓亦廁列額古神奇罕厥選三十四瓦何處

去一規未逐劫塵轉武皇誤信公孫言仙人樓居棗脯腆益延

壽觀峙甘泉瓦中季字無乃衍周承商祀始書年義重禾千同

穀戩延壽益壽嫌複重益延壽語尤非典馬書班志偶脫譌類

此當文蓄疑翦封禪書作益延壽觀郊祀志作益壽延壽館據此瓦文當爲延年益壽觀耳班志於史公觀字

皆易附庸彝鼎古器銘吉語非關俗未免用斬麀壽子孫保身

其康疆詒謀勉豈若東京槃洗文富貴侯王競夸宴翁題宋贈

思逮攀我誦翁詩如拜善差同舉俗愛其名想到年年秋祿卷

通年願祠秋  
視俱以九日

平生妙結蘇齋綠道墨紛綸萃分篆雪堂詩譜鶴銘題闡微書

稿藤簞扇余所藏有東坡詩譜小字冊卷鶴銘兩拓本音其它

蠅脚漏痕字矮紙長幅不及選卅年書麓爛收裏百世風鏗

流轉石華誦核媿難繼古福傳詒欣已腆得瓦且拓且賦詩六

十年歸我篋衍是翁豐鏤近九旬名壽金石終不散我昔未遂

龍門游迄今如數雜次典書樓石墨歎零落老屋青棠嗟伐翦

區區泥范更難恃小智挈瓶早知勉蒞華正照秋月圓脫本斤

斤藉策勉榷場古拓同時收竝佐介雅娛譚宴單筵五十初度  
係王與秋仲十

六日不寡客有詩述懷以戲枱場本大觀帖第六卷今歸祁春  
補大農前輩日內假觀閣原籍諸題知亦是壬寅七月所得  
我今疏放百無進聊插古轡資寶善忠臣孝子性情華牽綴香  
風滿吟卷昨適得倪鴻寶周子佩姜思未  
萬年少諸君子屬冊各小畫

再疊韻四首

樓居如闕故稱觀特爲神君坯此象黃金可成河可塞藥可不  
外廢岐扁晚年忽有輪臺悔非常勤訪千里選惜哉見事亦已  
遲鼎湖龍去無回轉通天高臺兀可驚世宗廟食空自腆闕二  
千季片瓦存屈指中閒朝市衍回環四字如欲語年無可延壽  
有哉八代興亡繼兩都有唐建置存六典宋家營造法式詳汴  
京臨安同滅翦仙人露盤知早折銅駝荆棘原難免何況人生  
百歲稀惟宜正己自敕勉寡欲差能卻病痾習勞尤貴懲安寔  
不延而延不益益守身事母謀斯善自信吾亦蕩澹人仰矚淨



雲太空卷

東坡先生五十時歲暮登州才領篆新皇元祐初御極召入延  
和瞻禁扁江海飄零十餘載翩然復備論思選泣闕先帝歎奇  
才翰林制誥歲三轉後來論事仍乞外坐負金蓮恩遇腆我於  
坡公百無一年時推積成大衍學書未解辨鐵石看畫何曾識  
牛翫四載

武英修祕文七季史館窺

朝典雅材著作媿提挈舊例繁蕪重理翦一言不合事可知慊  
慨奉身甘退免天恩主人謬見嘉假物贈詩重敦勉高齋臘事  
已成例雪堂介雅陪清宴靜覬駒隙凜知非且寶康瓠期聞善  
主人直諒我所敬乞與新詩壓舊卷

此詩前年余辭史館提調時余贈寬翁成濂臨安  
志蒙報以鐵錢並勝以詩過相期許媿甚媿甚

智創巧造規巨傳磬眠偃句鍾低篆不紛厥志凝如神承調丈  
人斲輪扁我生粗習經史義病在耆多無擇選願於書學有再  
好早悟撥鐙窮使轉訪奇究冀荆楊豫金石遺文佚精腆書譜  
應隨孫過庭字源不薄吾邱衍篆分真艸止一事本實不敦末  
易戩野跌官帖辨唐宋何殊念祖空數典越此當文僅四字意  
兼斯邈浮嫵翦願益年歲長研追突盡中誓任冠免身齋居士  
我同志十駕千秋相助勉論學惟務博且實矧躬尤懲蕩與冥  
八法定可究六書一藝還期包眾善新詩見規做寢寐酒誥俄  
空寫成卷駑馬自應勤十駕良朋相與志千秋石州近撰句屬  
余書之余昨總中得句云讀完無逸一百篇寫成酒

話一百卷與石州題句拆  
詩意有合蓋箴吾多飲也

初冬盼雪到中楡獨鶴仰空脚踢篆蒼茫暮色雲欲合又見林  
端殘月扁平格方

隆首輔恩

誠祈正將柔日選

宵旰憂勞贊襄切九日始卜風頭轉狂飈已斂眾色喜時玉初  
頒天賜腴時逢萬國來朝正

彤廷錫予豐且衍東邦良金貢首里西土名香獻棟戩瑤階薄  
霽澤冠裳溫樹飛花光禮典所冀祥靈再溥漉掩映萬家春綵  
翦從占樂歲長登平無復通租待蠲免飢寒既去廉讓還盜戢  
民醇官吏勉

一心喜起圖至治千安扶攜佇嘉宴小臣亦願年壽增吉語長

符頌禱善明朝雪候定如何勤闋呵殘凍毫卷廿一日

祈雪正吳門太傅帥相八十賜壽之辰適值大風奇  
寒至廿九日浦得雪寸餘是日即除日矣感而有作

戴醇士前輩爲畫瓦壽軒圖

我家門對東洲山日讀元銘與翟豕輕舟直下洞庭湖回首蒼  
茫失君扁十年不歸歸又出暫向黔山掌鄉選謁來五載輒紅  
裏車聲羊腸耳邊轉日澆苦酒且箸書偶覓南鮮供洗腆吾師  
田水久契闊宮錦文章空曼衍無田可歸年半百謬辱益簪稱  
履戩鹿牀爲圖瓦壽軒副以新詩成逸典請君更寫東洲屋松  
桂淡蒼茅不翦畫中著屋不嫌多秋風拔茅總知免尙憶龍阡  
九子廬荷鋤負畚自勤勉頗識躬耕天事近山氣晴陰風早寔  
譬茲瓦甃道所在得因文字傳尤善西鄰夙有耦耕約牆頭遞  
酒波初卷

西鄰謂  
石州

張篠浦留飲

七首

侍郎橐簡值

鑿坡難得閒箇共歡歌時事滿懷無可說止緣清氣得來多

題吳冠英春水歸颿圖兼示葉香士疊前韻

江南春水初生時，一波千折碧成篆。蒲牙齊長乳鷗飛，雨細風斜颿勢扁。不知誰是歸來船，萬櫓雁聲無處選。奕奕虹光出篷背，正向夕陽山脅轉。吳君本是奇逸士，醞釀書史更腴腆。早通畫理察九朽，快遇禪真參五行。可惜同心金石契，奇骨中年折張戩。張受之與君同居松筠庵刻歸心忽指江湖遙，行李忙將根山蔬，稿甫竣事卽以病歿。縑裘典贈行，韻事有葉生。潑墨不惜被綾綺，問君傲裝土思切。筆落魂銷信難免，我託因緣枉毫素。能不臨歧重敦勉，江南佳士富文藻，壯志易銷言笑宴。但宜恢闊性靈淡，庶益摛摛風骨善。此詩贈吳兼示葉非遇其人且藏卷

姜亭看雪歸得子敬書疊韻再題圖後

去年江南秋苦雨，冬田無雪墀成篆。京師得雪亦稀少，我視渴

荒筆枯扁昨旬飛囊才幾片枉遣詩人將勝選今晨一雪萬景  
寂葢壤瑩瑩色全轉浩然獨上古亭來不暇攜持壺榼膜西山  
莽莽落何處不辨林壑與平衍麥根地底如伏胎生氣欲回知  
始戩南望江湖天渺然清剛冷風述農典昨宵漕吏書適至葉  
舟緩向吳淞翦翻率得雨一年好旱可無憂勞宜免預知禾麥  
卜有年子規方曉布穀勉快收煙景入圖畫更琢詩翰寫清宴  
懷人我亦江南多一一煩君問安善凍窗呵手不知寒綠波春  
艸香生卷

題哦松圖

築室向何處無過松下宜聽松宜何爲把卷方哦詩百里職治  
民教養兼嚴慈歡聲四野動官長不自知卻當雁鷺來日與松  
風期團團鸞鳳巢宛宛虬龍姿既非慕閒隱暫可略威儀猶古

松與肖神定鶴不窺士民愛官長  
斷頌無可爲惟祝使君壽與  
松同不衰下有千歲苔上結九光  
芝苔竝益壽分哺萬家兒  
清風時一至濤聲浩無涯洗彼塵  
想渴發我幽情竒如在淡山  
中又似太古時靜極故善感一  
虛萬情隨

題顧子山花天跨蜨圖

好花十萬碧雲回天女殷勤費  
翦裁妙是玉腰奴解事等閒  
取慧郎來

何處樓臺十二城朗吟風送步  
虛聲翩翩尙覺春駒健信是詩  
人太瘦生

碧海青天花亂飛空空色色不  
沾衣笑它天女眞多事若箇相  
從竝蜨歸

看月看花總是緣玉京春色自  
年年江亭昔遇仙中蜨塵海今

逢蜨背仙

容春余宴客陶然亭  
有太常仙蜨來集

蒼茫絮果與蘭因，艸艸東風又送春。我自騎牛君跨蜨，

余曾有騎牛圖

相逢一醉及花辰。

是日當偕飲呂鵬田給諫處子山又  
有小有餘芳之約越三日是立夏矣

馮小亭秋燈夜課圖

先公使浙畱視學，首崇風教，敦儒術，與父言慈子言孝，要使諸  
生辨華實，西湖秀出小馮君。弟子員中罕厥匹，十年文譽藻湖  
山直上蓬萊瞻。

舜日母節爭傳，搢紳口母教，卽看修史筆，回思少孤母，督課雙  
影一鐙閣。鷓鴣書聲高處，慈顏開書聲低時，寒淚出夜色墮地。  
轉清耿秋氣感心，尤慘慄蕭蕭梧竹語，庭院棱棱冰霜落，書帙  
泥金忽映霄水清，使節還逐湘舟疾，假歸拜舞北堂下，悲喜相  
看，如有失短檠，未棄花自笑，照見宮衣光滿室，促兒北上勤職。



司想見臨行衣綫密當年初出先公門  
荻訓未從函丈說君今圖畫非好事  
用代書紳自繩律愴懷隨侍校文時  
敬與賦詩語皆質

唐拓武梁祠畫像冊止十四幅舊藏沛甯李氏今至京  
師梁子恭同年攜示因題

魯靈光殿蜀石室畫像垂訓無忘愆後來墓闕亦刻此敬恭祖  
舊型後昆朱李遺軫杳難問邠卿壽藏空四賢武梁祠闕畫五  
卷德甫存目文不傳鄱陽箸錄始詳說記季實在元嘉元石無

斑黃取妙好攄騁技巧良工鐫竭家所有子孫孝據洪氏所引武梁碑語單

齋詩云作續恐是元嘉不孝而近愚何譏焉六朝以還古意遠

僅據趙錄未細檢釋也雕鏤佛象窮厓巔莊嚴奇古亦可喜顧於聖教初何關任城自

古翠珉聚我昔南行秋繫船余於壬午癸未間知有此冊後知在濟甯一舊家庚子南行泊舟訪

之迄未  
得見 爲覓唐代古羶蠟雨路枉把匹鞮穿今晨虹光忽照眼

臆痕一醒三十年證之隸釋字源字打本果出洪婁前惜乎止

此像十四其餘珠璽從何捐伏戲畫卦祝誦作神農因宜始教

田黃帝垂衣至瑣借堯仁舜孝禹脈泉桀始乘人作殷鑒曾閔

質孝先萊蘭意者取精不尙博又或璣羽收霄殘宋元藏鑿竟

無放賢哉者古曆荆川陽羨山中月墮戶三沙海上濤掀天讀

書殺賊想挾此聖神靈氣相扶纏襄文家學太常繼鑿楹珍庚

同六編不著一字過矜慎兩世名篆芝泥妍流轉花山復邗上

國初諸老共墨緣雪疆到手祕不出亦解鄭重贖錦鮮黃子得

之歲辛亥春月初向秋奩圓遂使蘇齋老學士題詩寫記喜欲

顛其先六年歲丙午按奇蝨破荒山煙鐵橋李己酉續有獲佐

以梅村李借桂仙劉迄今全本四十五石賣向街頭才十千水墨

東沙州宣詩金卷十三  
十三  
滴灘拓手拙隨意割置無愛憐多則非珍罕乃貴兒童所見堪  
歎歎紫雲山色雖好在陵谷安保無移遷願將精楮竝佳墨急  
往規取形神全韜藏愛護此冊等畱與後世長摩研

王稚子關舊拓有覃谿瘦同詩因次韻爲孔繡山題於  
拓本之罅

豐碑峙高樊崇闕表馮沈蜀江近日波新墨發古滄惟有稚子  
闕自昔聲稱甚計從歐淇來攷古互詎諗惜哉先靈刻黃趙僅  
摹侵幸茲刺史闕殘字半堪審粵稽范史筆更能儒術稟放牛  
屬稚子況慮魚鮪淪民謠代未有安陽薦肴品竝歌樂府傳祠  
碑幾時寢後來永初詔朱尹許接衽延熹洛陽祠卓傳其千稔  
亦當有刻詞無處拾瓊錦是闕又何略感淡詞轉噤炎天逢古  
紙梅雪風餘凜由翁到張孔澆酒損俸廩煙雲七十年祕入繡

山枕題詩蒼石罅  
墨水猿來飲

得苗仙鹿書卻寄用瓦壽軒韻

借之言代封禪記七十二家  
酌古篆惜哉金泥玉檢文都被封  
中雲厭扁我昔東游識字始  
秦後石墨濫登選姬周古文無一  
字尋神虛逐使程轉心折河閒老  
仙鹿忝附同年遇何腆日枕  
長生君子專賢王修學緒當衍寒  
鐙把卷審七均韶武餘晉縣  
未戩老來欣有齊東行爵鹿勤蒐  
孔壁典好窺三代文鹹鹹一  
洗百家詞翦翦讀書學道貴游初  
老而無聞定知免聞余被使  
五羊城書來鄭重相敦勉學海堂  
從太傅開扶胥浦值滄溟宴  
輓心昵古定有人敢不甄微與揚  
善此閒相去幾郵程東嶽奇  
雲日舒卷

涿州行館雨夜喜黃壽臣廉訪來晤兼柬丁竹谿

我未出門掃我屋冀君早賁足音楚出門兩日始相遇別緒如  
山何由降時當夜淡更命酒雨聲浪浪雜村尨不知悲喜何處  
是互進勉慰念愚憇君來南海正春節紆迴浙舸尋吳艫我望  
粵山尙天末茫茫去涉河與江不須爲我計行路但恐文柄力  
不扛君入京師住我屋近我北堂面東窗幽蘭正花叢竹茂看  
舞采衣傾翠缸君今超擢已崇秩漸膺曩寄驪旌幘我雖因循  
柱下職思與薄俗相扶撞人生豈有再年少無乃喜極眼爲眈  
但當樹骨保名節胸中宇宙長敦龐庶合樸氣貫到底投老尙  
可躬耕殺桂林使者亦來聚令我鄉思盈蘭注烏乎此會豈易  
得抵黃金千白璧雙

濯足

凡物視所託苦樂恆難均不須遠察萬物理頭目手足一體親

澣漱何曾一日廢吾足沾水難計旬忽思煮雨快一濯天膏於  
人無所屯濯田爲民長禾黍洗足於我清形神百骸本是天所  
畀智不衛足聖乃噴澆膚初覺醜如酒刮垢可笑皺生鱗脫離  
奇蚌細窺石拭去餘膩大布巾暫得一快忽自惜上有京華春  
陌塵京華塵土香且軟鞵鼻欣動天下人我從娶媿到京國於  
今四十有四春一年或許三四洗一任黏膩陳復新今宵露  
雙鬢臥脂滑不啻蠅與蚊明朝譏屨再纏裹十指疏可屈伸  
沉茲南行多水鄉與吾足約無遠巡一濯黃河浹再濯大江濱  
三濯泠泠清遠峽蹋波騎上白龍身

懷都中友人

蓬山廿載曳瓊琚卿月光華照敝廬客到尙能傾老酒公餘不

廢讀書

王雁汀

三十年前氣薄雲老來瀟澹絕塵氛不辭日費磨人墨爲寫梅

郎諛墓文

梅伯言誌墓之作多餘所書

師門科第笏盈床吏隱君偏託太常古寺狂游春已徧養閒翻

爲覓詩忙

潘季玉

酒腸詩膽信無前風韻宜稱跨蜨仙收拾元龍湖海氣小詞偏

愛柳屯田

顧子山

借書一日幾回來農父東西共好懷尙友顧闔如奉手縱橫萬

里小烏齋

張石州

比部才名卓不羣臨池日策管城勳談詩又過烏齋飲醉看青

天日暮雲

馮魯川

贖帖收書早戒裝到官先爲省親忙門生使粵師應笑爲我投

才學海堂

阮賜卿所質華山碑  
泰山秦篆近始贖去

尋常下直出西華玉蝨橋連給事家煙水茫茫天落紙青藤十

丈墨荷花

李季雲藏青藤墨荷卷極奇

行芳志潔有騷情味雪多年骨更清醉後不禁狂態發明朝戒

飲又詩成

戴筠賦

奇絕吾宗尙弱齡胸吞萬卷筆通靈何當盡發鄒侯律比附春

秋儼禮經

何願船近著刑律統表

遐翁餘韻在檐楹天咫宦中面百城妙有兒郎能好古勤收翠

墨饌先生

劉寬夫所居卽孫退谷遺址乃郎子重亦好古

元傲詩情鶴是儕清尊一日幾回開新年人事紛如米古寺招

邀看蠟梅

喬鶴儕新年邀游廣慧寺看蠟梅

一官柏府尙逡循八法中郎早絕倫聽說乾嘉諸老輩儒宗詞

伯總傳神

馬湘騷



清貧史館意蕭然，  
勤苦才從太學遷。  
古畫奇書環四壁，  
冷吟閒

醉又三年

蔡小石

金石堂開海上村，  
齊巖何日得重論。  
當時一疏回

成命天下應知儒術尊

陳頌南歸主講金石書院近著齊巖釋文

遺書未谷待編摩，  
家學形聲理董多。  
大雪同登湖上塔，  
較量筋

力近如何

許印林校刊桂未谷說文義證大雪登塔乃從前隨侍浙學署時事

三年鉛槧共禪關，  
此去同看海上山。  
手版倒持須省記，  
從今那

得箸書開

王殿軒同余在慈仁寺校訂宋元學案三年乃竣事今方試合粵東

萬卷家傳盡覽披，  
才名騫翥鳳皇池。  
阿兄自樹封侯績，  
且學陶

韋五字詩

葉潤臣

春風六載繞庭軒，  
才筆真如萬馬奔。  
一第艱難吾未信，  
安排養

酒賀秋元

郭耕南戒酒兩年誓不得第不開戒

幸託通家塾有師書聲繞案客頻窺閒窗倉雅宜勤究劣女癡

孫喜問奇

李勿齋

綠陰庭院好槐安竝硯聯尊兩月歡聞道來朝有封事夜鐙還

校古周官

呂鶴田方校  
周禮補注

鐵券兒孫骨相承莫言冬士冷如冰軒昂論事談無底兀傲看

天眼有棱

錢冬士

正學亭林實指南儒林第一傳無慚禮官幸有諸孫在廟食何

時孔庶參

顧子份

同歲明經氣誼敦廿年中外各騰騫論心邨谷惟三子近接虛

懷有狀元

李雨人

篤厚天懷似我師偷閒未惜補官遲愛身莫倚千鍾量作令勤

規萬里兒

毛子剛令子希  
銘從余受業

策騎遇雨

柳絲剛拂帽簷低  
一陣轟雷似鼓鼙  
驟雨驚回奔馬外  
斜陽忽出斷雲西

六月十二日

一年不賦悼亡詩  
兒女情懷素所收  
今日江南無限淚  
因風寄與夜臺知

通道驛夜涼甚

山中藏早秋  
未向人間去  
先支一夜涼  
暫伴行人住  
因知山氣淡  
不覺時光度  
唧唧感幽望  
空庭起閒步

出門

出門踰一月  
思母有萬端  
夜眠可安枕  
晨飯可加餐  
孫曾雖繞膝  
能否解怕顏  
姻戚來過從  
笑語可增歡  
自聞

使命下預計別離難  
棧棧一片石突置  
方寸間雨淋與日炙  
措置不得安何當  
冰雪天速令使車還  
慈顏一笑慰化此堅  
且頑

張文獻祠前古梅

祠前古梅花暑路如冰  
天雙榦竦而立數葉瘦  
可憐梅嶺卽庾嶺自因  
姓氏傳後來苦坵會種  
梅在山巔南枝殊北枝  
此理始不然

上船

晨飡來雁亭暮宿寄梅館  
梅花本非時鴈信亦何緩  
行人數亭埃長長復短短  
陸行七千里有似弓引滿  
今日上船行灘水疾如箭  
艱難暑雨情至此成瀟散  
研渴但思飲衣垢急須澣  
柔櫓鴈聲來山雲如客嬾

觀音巖

日氣炙山脚雷聲出巖中急雨不破碎一片落吾篷雪然包卷去不知何處風夜色黑如墨巖罅寺燈紅

英州

英州僻在嶺海隅宋時猶是謫宦區神宗朝時直臣最前有子方後介夫介夫監安上門耳彼任臺諫何人乎古來但有災異奏臣今勅寫流民圖耳聞目睹圖盡具形色慘異聲悲呼別具疏詳說圖意冀回天慮民困蘇神宗得圖夜不寐德音朝下不及晡三日大雨輔臣賀天人感召鼓應袍安石惠卿互根據求還不還相覲覬惜哉新法罷又復一反掌閒善惡樞作圖忠計復再試正直邪曲天爲吁盈廷之怒致必外帝獎忠誠輕厥辜南徙英州住僧屋從學子弟來于英山瀆水最奇兀當時照耀公眉鬚如何祠祀舊廬處一任圯落成榛蕪作詩表微冀修

廢海雨颼颼吹菰蒲

晨登飛來寺

舟中毒熱不可稽五更夢醒聞荒雞泉聲到枕方吾僕與二三  
子相扶攜飛來之寺與山齊北馬俯眺南馬低及日未出快攀  
躋拾級轉上如天梯深碧軒見坡老題飛瀑落石字化鷲千載  
澗澤山與谿山風橫恣無東西怪禽見人磔磔噉幽樹四圍黑  
成黛但覺古意荒且淒靜思帝子翩跹媿山頭采竹和天倪吹  
律旣叶來鳳兮念飢吞吐虹與霓何不攜歸證葑蕀乃遂遺世  
煙霞迷石壁百尺光流黎留此餘恨惑簪弁百鳥不敢來翔栖  
猿聲洞口空悲悽

九月二十日潘德興招飲海山仙館卽事有作

主客攜尊其一癡明窗讀畫且談碑鏤成書苑千家石籠得才

人幾輩詩能使古賢依我活感懷時事更誰推肯教白日堂堂

過跌宕還思幼好奇

文海樓下墮閒歇所摹古帖碧紗籠處開院號舍及修學使署皆獨

看典勞於夷勞出力尤多

看山欲徧嶺南頭送盡人間爛漫秋花氣化雲成寶界海光如

鏡照飛樓千林暮色生涼思一髮中原感客游風浪無聲天浩

蕩可能容易著閒鷗

余勤德與出山以事歸身未決

桂子香餘菊正開朋簪回首廿年杯木奴坐看千頭熟查客誰

期萬里來雲水空明入圖畫海天清宴好樓臺面紋未覺觀河

皺一笑何曾歲月催

修梧密竹帶殘荷燕子籠梳翡翠窠妙有江南煙水意卻添灣

上荔支多蕭齋舊製多藏畫吳舫新裁稱蹋莎萬綠茫茫最淡

處引人幽思到巖阿

國景淡雅略似隨園那園不徒以華妙勝小艇亦仿吳門蒲葦頭樣

許雲鶴袖海樓

珠江結屋盡沿流，第一名傳袖海樓。暫可登臨頻失步，果然屈曲不勝秋。一行人似穿珠蟻，百轉梯如媚壑虬。難得造顛仍廣大，茫茫天水望中收。

題莊滋圃協揆傳經圖

十丈珊瑚氣生嶺，南魁鼎最先聲兒時。一片青鐙影照徧湖山，節鉞明。

大好春光櫻筍亭，佳兒蘭玉與傳經。鍾山曉翠書聲起，老鶴階前已慣聽。

今日縑緗世業存，百年嶺海說高門。知公當日傳經意，接武原非在狀元。

我來持節采儒風，經術居然盛粵東。羣彥好將圖卷視，津梁學



海有前功

葉東卿丈約游白雲寺登觀音閣下山至蒲澗雲泉山館讀覃谿詩過澗至濼泉寺晡飯

奇哉茲晨游已入前夜癡癡中足殷牀兩踵不知重破曉出郭來林鳥才幾哢豈知丈人翁游屐已先控松聲高到天曠宇自吟諷沿松遂陟巘吾目乃一縱

樓閣倚山建日月馳棟棼下見九龍井氣與山飲飲一目數百里大士何思聞天光直蕩蕩海色方泐泐天海本一氣形色何由分山中竟何有但道多白雲

線路直入雲占升每得困丈人七十餘拾級穿蘿蔓平生金石味實與性情繕灌注神骨堅滋益腰脚健嗟我亦同癖何故殊利鈍感精復勞形省嗇在方寸

仙人去千載，蕙蒲爲不芳。惟古大湖水，石罅鳴鏘洋。雲泉好山館，敲倒餘榭榭。迴觀白雲寺，興廢有何常。壁閒詩老筆，尙作龍蚪翔。一樹紫含笑，四山黃夕陽。

言別白雲居紅葉先客醉，蟲鳥秋聲繁。蒼茫動寒思，鄧仙有何靈。香火占山翠，卻愛倚山閣。翩然如鶴翅，全收松梧影。果有幽淡意，試汲蒲瀾波。去飲濂泉寺。

寄黃香鐵時由學官遷翰林典簿

我行持節來五羊，故人滿眼娛倘佯。咄哉老鐵不可見，一日九迴紆我腸。惠書月忽再三，至鶴髮翁寫蠅頭。字可憐，一見如許難縱展。千函又何事，鐵耕樓已隨鯨波。學宮冷落梧桐柯，牛蘭雞柵新闢舍。種龍養鳳別成窠，頭銜晚綴瀛洲籍。舊日寫官今史席，嬾將吟脚蹋。輒紅枉把情天鑄，空碧挑燈急讀別後詩。有

吾先公之晚詞兼哭子毅同乳弟一夜慘淡神魂悲與君交情  
比棠棣四十年來性情契雖牽別緒逾歲時每奉賜書還砥礪  
吁嗟時事何紛紛海氛初靖江河渾行行去守柱下職吾跂子  
如天半雲

飛來寺敬觀先公丁卯年詩卷次原韻書後

名山閣詩人題記如筍束妙以文字緣增益山水福茲山我重  
游夜氣萬峯簇老僧出古紙照字有山綠中有先迹存莊誦粹  
難熟緬維我先公文衡采珠玉嶺南最先到珊瑚枝海難蓄是年  
吾九齡初來自鄉谷尙記誠兒語不許出書屋歲暮使輅反不  
解索綺縠跪受端石硯喜極如新浴從茲識字始恆恐爲硯辱  
後來文衡多典試兼學督鏡照明不疲秋潔霜無酷燕齊閩越  
閒琳瑯歸采掇教澤如江河飲者皆滿腹父子同典試盛極迴

何從從來盛衰理可畏如旋轂因思閩中游歡嗣廿年獨如何

粵外使江山愴吾日言言情寓景字字骨撐肉我讀不終篇惜

淚強收縮使旋趨北堂書盼鱗卅六遺稿見溪山鼓篷自爲錄

江風吹鶴頭鶴頭船名海氣侵雞足四十有三年光陰如轉燭

秋初我南來炎日江氣東走鵝淙碧軒風泉爲我福旋登飛翠

寺眾岫勢如簇披襟海雨來貪看晚江綠冬初我北行石磴行

已熟樹色肥未霜石氣瘦成玉琤琮瀑泉聲孤溜洩仍蓄乃知

祕藏理冬心在溪谷聽泉夜最幽無言坐佛屋萬樹峙陰森一

白如練縠細掛壑源清暗與心光浴暫得枕流趣庶免出山辱

主人亦何賢清遠令馬芝庭同年郵事自檢督直追客船遠未免鷓政酷

頗愁醉後容塵土不堪掬入夜山中泉聲聲落吾腹鏡寒酒易

醒話久却轉促驅檣半夜驚廳輪馳萬轂迴思靜妙游一瞬成

前躡搖兀到寤魂倘仿移耳目天明不成寐霜氣凝肌肉山嵐  
雖我如漸漸成媿綉坡翁賸題字捫讀日五六山僧苦好事浪  
墨何堪錄登高看瀆水千里到樓足一笑落扁舟何年重翦燭

飛泉寺覃谿補書東坡題名

覃谿自謂學道人千載徑叩東坡門題名補刻知本根撐骨藏  
肉波峭存偃松屏落伍氏軒烏雲落日荒秋暎摩窺尚有雪浪  
盆三百載前古墨溫此石奚足栖坡魂精靈海上空吐吞

同黎越喬游九成臺歸飲陳覺民曲江縣署

山脊平看萬脈分屐聲高使太虛間左看瀆武合流水右眺柳  
連一帶雲暗浪無從尋古井芙蓉何處采遺芩共君南嶽登臨  
後來結沖霄野鶴羣

二禺山接九成臺太上遺風嶺外開竹應鳳鳴諧聖律石餘夔

荆盡名村連宵聽水如門樂一客看山對舉杯勝侶狂游千古  
到扁舟昨日故鄉來

韶石石壁似涪谿

低蓬野渡狎流淙晚  
寒鐘次第撞壘井能收諸相寂風幡難  
得此心降獨尋韶石屏  
崩鑑略似涪谿字照江西北故山蒼翠  
接何時煙雨理歸艘

南安舟夜與論堂沙頭看月

嶺南看月兩回圓一笑仍登大庾船  
歸路迢遙京國思寒光清  
澈瀟江天沙頭欲共鷗  
鷺坐夜色淡舍樹石妍山氣沈沈風露  
靜照人如鏡乍蒼然

廿三日嶺江守風東楊詒堂知許信臣學使將到

鬱孤臺上披晨霧八景樓前見煙樹  
醉中記得坡公詩章貢合

流此其處扁舟直下十八灘欲下不下多盤桓雪情雨候不可  
識一夜北風如許寒南北估船灘上閣鷗鷺斜飛不能濯故人  
咫尺天涯遠此日來颿何處落自從使車北度嶺夜廖京華畫  
延頸天意狂飈巧試人身無健翮何由騁意氣突兀煩消磨笑  
謝灘頭千丈波聯舟野泊如邨巷且與楊侯共嘯歌

東洲艸堂詩鈔卷十四

道州 何紹基 子貞

游黃山紫雲巖濯於溫泉

王子

冒雨穿雲不計程  
區嶮蹋破萬山輕  
此身本自無無垢  
無垢今從一濯生

題顧子怡畫蘭卷次道榮堂韻

禁持風露不求知  
自有橫斜百變姿  
閒得溪山幽韻在  
肯教烟墨太淋漓

德州有蘇祿國王墓汪竹千刺史導余往視悽然一奠

有作王以明永樂十五年入朝歸卒於德州就地賜葬王漁洋有此詩蘇祿作蘇羅譯語無定字也

九省通衢驛堠繁  
蘇羅王有未歸魂  
中華不惜數弓地

國典仍沿異代恩  
我朝雍正年間重葺堠城  
守冢殘家田尚孰  
臨風一附



酒難溫年年朝貢諸藩部下馬看碑有淚痕

題朱某堂丈東湖州堂圖爲建御作

我讀東湖別思詩白華慈竹有餘悲

見燕聲詩集

宦成不覺霜雙鬢

歸窻空縈柳萬絲錯樂喜傳遺集富蠶舞無復古歡追弄珠樓

畔佳風物扇底寒梅殿幾枝

丈爲余扇上畫梅極爲奇古

題苗仙露寒鐙訂韵圖卽送其往山東學幕

世事千萬端妙處不可尋形跡且難究況云聲與音憶余少嗜

奇幽寄託鳴琴秋江寫遠思涼雁招歸心瑤軫一以靜金徽有

同沈從古風詩教傳經重儒林其於刑與禮實亦無商參言者

韵所出發音本怕枕七律儻未叶萬情曷由斟君生我同時千

古獨列森夜寂閉館戶密樹閣棲禽耿耿月來映啾啾風相吟

今聲孰與正古話亦何淡門外車馬塵影影麗纓先先生對童

穉感歎初不禁驅車向齊魯正可觀古風固無別離思亦忘靜  
與箴惟當慎保愛豈弟神所歆

顧蒯秋祭日陳頌南王子懷苗仙露馮魯川潘季玉楊  
紉雲何願船孔繡山公餞於雲淡松老之廬夜歸得黎  
月喬送行詩次韻奉荅並別諸君子

友朋何事恨離別別後相期在名節豈惟宮中商必應亦知松  
茂柏乃悅亭林祠構今年海宇才傑爭隨肩文詞固勉根底  
厚風骨多有冰雪堅時事艱難各努力身世遇合仍關天三秋  
雲山苦睽隔一日槃敦欣接聯憶昨造

刻語不淺

小臣

自顧眞惶然此行忽似寥天鶴翩然徑指西南

落

關廷漸遠懸寢寐時局支撐要才略菊花雖好風日澹酒杯不

停懷抱惡史館編摩已素食輜軒敢謂竭臣力月喬尤是我

者翦燭分牋能辨以

月喬來詩有句云  
君胡進朝慘不悅

君恩友誼何以酬五夜月窗增轉側

畫菊與子愚別

回想高堂淚不禁弟兄健在快呼尋荆花一樹三年事菊影重  
陽萬里心望遠不嫌書屢寄消愁莫厭酒頻斟百端時事繁  
抱不覺清談又夜深

寄子敬

姑蘇城外落颿時弟北兄南聚最奇名酒好風烏夜曲快雲奇  
兩白公祠遺家待補游吳記持節翻吟入蜀詩江發岷山東到  
海盈盈一水寄懷思

韓侯嶺

薦士鄧侯弟一功從容大業定江東真知已是高皇帝不負君  
惟太史公昨日固關尋戰壘今朝微水想英風名臣立腳知非  
偶有信邪謀惑蒯通

興行黃河岸側有黑旋風高數丈如塔當面至輿夫駐  
足余拱手曰王命枉身不敢讓路呼令前進旋風避  
而左行其聲甚厲悚然記之

決滌大河灣連綿百里山神威猶俯鑒  
王事敢辭艱表裏雄三晉幽明共大圜

楓棧東北望今夜住潼關

馬嵬

綺麗香山長恨歌兒童爭說馬嵬坡何如樂府藍田石顏段千  
秋正氣多

鳳翔東湖用坡韵有懷兩弟

古樹沿隄爭屈強，晨曦冒霧尙霏微。  
蘇祠照水羣鷗聚，秦棧連雲一雁飛。  
乘傳屢懷非分恥，聯牀長使此心違。  
江湖有約期偕隱，坡老徒來蜀竅譏。

大散關

振策秦山指蜀山，重經清渭水潺潺。  
寒曦霧破軍陽戍，古樹秋餘大散關。  
峯影轉時人面黑，石花飛處馬蹄殷。  
曹劉戰壘知何在，驛館還聞鼓角閒。

留侯廟

博浪沙椎氣奪秦，忽逢隆準卽君臣。  
功成便欲凌雲去，千古元勳有幾人。

海上樓船笑始皇，後來孝武轉荒唐。  
赤松自在人間世，畢竟真

仙是子房

浩氣縱橫軼九垓奇蹤一任苦疑猜  
投書黃石無名姓更約商山四皓來

狀如女子本身輕早歲澗山鍊已成  
一槩神仙瑣子骨箇侯更比鄰侯清

我渡河來入萬山陳倉莽莽接潼關  
停車忽下箇侯拜別有清風天地閒

甯羌州

回首終南尚鬱蒼鞭絲帽影已新霜  
郵亭尙記金牛峽部落空傳白馬羌  
漾水兩源偏共嶺蜀山萬點此分疆  
近城復見平川景衰柳晴懸落日黃

劔閣

元黃剖判毓靈頑，留此巖叢不忍刪。堆起石頭皆樸醜，削成劍氣制陰姦。天心遮隔蜀秦路，人力鑿開神鬼關。珠玉中原何擾擾，峯巒終古有愁顏。

劍閣銘

橫空不作峯活壁，走如龍拔地石千轉。去天雲萬重，屬奴紛割據。大度自包容，幸爾才人筆長留。傑閣雄

上亭驛

一曲淋鈴淚萬行，三郎僥倖此郎當。後來南內聽秋雨，誰製新聲奏上皇。

送險亭

不經險路來不識，平途妙不由平路行。安知險中奧，秦山接蜀山。萬險不同貌，至此轉裴回。焉能足目到，它年出蜀時。從容領

其要

羅江行館喜晴看月柬吳壽恬師小山邊子重三君子  
萬山行盡不知寒促坐休辭酒幾乾昨夜雨聲敲枕聽今宵月  
色滿城看亭臺照眼全明澈棧閣迴頭尙鬱蟠畫理詩心好開  
豁錦江天地古來寬

龐士元墓

年方卅六墜英風大霍山前廟貌崇驥足何妨膺百里鳳雛本  
合老孤桐關張自壯千秋氣龐馬難收尺筆功盡瘁止畱丞相  
在受遺懷絕永安宮

自題騎牛圖同諸君子限韵二首

癸丑

燧象與火牛古人以之戰卓哉孫吳傑千載不可面承

命諭蜀來江山拓聞見所苦衡戈役仍守鈔書硯念彼稱戈勞



何如乘未賤細雨分早秧香風熟新麩我羨騎牛兒誰責勤與  
倦春光九十日沈沈扁使院但聞食葉蠶不覩銜泥燕騎牛少  
時事五十年如箭披圖寫兀傲索句得幽蒨何日鷓鴣軍紅旗  
飛一片

前夜風雨集蟠空作酣戰今宵雨復至飄灑到人面淡春頗苦  
晴此景若創見欣然命樽俎可拋琴硯諸君枉相契容我說  
少賤提籃逐瓜果破鼓煮肴麩兒時堪笑事十日數不倦猥承  
先公澤復籍太史院樂趣憶騎牛鄉心妬歸燕自從軍興來糧  
糶化刀箭安得賦歸田平疇看翠蒨田中一夜雨明日青成片

賦得閒借奇書手自鈔

得鈔字五言二十韻

幸有奇書借閒時旨濫拋自貪親手錄絕勝倩人鈔撥尤尋毫  
楮藏珍賴漆膠巾箱佳本富風雨古歡交造字稽倉頡摸規滌

關苞過從欣賞析同異費推敲細楷兼行艸高吟動屋茅聚材  
樓造鳳吐氣墨騰蛟帝虎須防誤侯鯖類治庖校儼堪報荅求  
取免警警涵泳歸靈府精神寄指梢澹懷偏昵古幽廖欲吞文  
筆迹紛相錯心光靜不消疲勞忘腕脫詰曲喜牙聳爾外新香  
發行閒雋味包夜窗飛脈望虛幌習蠅蚋銳力勤穿硯浮名笑  
繁苑蓬蒿三徑益鉛藥百年巢寫定慚通德淡湛託解嘲

玉堂天上近染翰侍

螭坳

詹州試畢敬謁三蘇祠與試院止隔一牆因通門以便  
瞻憩扁試時仍閉之也廖仁圃直牧陳愷人大令置酒  
木假山堂卽事有作

登州看雲海嶺外借笠展春風西湖隄大雪黃州壁東坡舊游

處一一我留迹微尙已半生詩文書竹石誰期紗縠行獲近喬  
木宅父子共一堂森然動吾魄想見名二子却前授書策不敢  
誦坡詩恐被翁詞責

老泉平生學精力萃禮書幾權經史論詞筆乃緒餘或傳或不  
傳有幸不幸歟譬若汶江源萬象成包儲坡頽暢其流汪洋赴  
歸墟願告學古人須識權與輿墓頤老翁井白雲蔽壙廬瓣香  
此虔跽古柏森庭除

東坡與子由雙鳳高其翔同時富豪俊幾人能厲行文章合氣  
節既爲百世望乃其浩蕩懷得失皆兩忘巢痕滿臺閣歸腐落  
蠻荒尙友天下士何處非吾鄉有田竟不歸投老頽與常惟餘  
聽雨約魂魄在茲堂

冒雨來眉州駐節三蘇里西鄰木假山中隔一垣耳開徑仍設

門古賢接尺咫瞻像且讀碑看竹還聽水主人能好事酒行詩

陣起吾軍氣百倍偕作競摩壘

體人先有詩余與王梅翁曹介侯師小山馬星四彭彭九及吾

兒慶福皆繼作

看徧蜀中山此樂才有幾鴻爪太怱怱勉矣邦人士

睢州試院喜雨大醉次日即別去

桑下佛緣戀難去況我睢州十日住高風景跋三蘇祠古蔭婆

娑雙柏樹竹陰道暑嘉宴開倒冠落佩方裴回主人敬客還拘

禮客多酒勇紛喧虺雷聲下天來卷屋電光倒吸杯中滌池底

龜魚迅欲飛燈前雨腳森成束烏乎坡老神乎神不解自飲喜

飲人賞余疥壁好詩句快雨爲洗筵閒塵坡詩道雨妙如雨我

能洛誦清肺腑杯停雨歇天宇空墜句零篇尙堪咀

余醉後高詠坡詩不

能成頽然一臥涼浸肌寢裏猶呼事大奇天晴日出成揮手卻

和淵明止酒詩

王梅谿喜雨詩有隨車載向嘉州去之句戲荅

嘉州雨候奇我迎復我送今日嘉州來快雨市聲闐迴思昨日  
江上舟午熱上山皆汗流得茲一雨且豪縱載酒何必凌雲游  
蜀田苦高衍沃少止畏晴乾不愁潦幸隨耳目徧沾濡更爲文  
章澤枯槁天公於我誠何私偶然會合或有之誇揚漫許隨車  
雨愧讀王郎絕妙詩

嘉州噉荔支用坡韻

健爲舍人撥秦灰我諏文獻鋒車催乘風冒雨五月至卻疑專  
爲荔支來兩度乘輅馳嶺海堆盤磊落非新採今朝訪帖荔支  
樓放翁刻石空千載快嘗嘉果真嘉州似咀新詩坡與涪色香  
味外韻殊絕筠籃更伴凌雲游傾城風骨動蘇子忽噴尤物爲  
瘡痍天生萬類有何心人謂珍奇斯可瑞荔支有譜別根芽傳

聞闔粵味更加慰情勝無自一快壓倒邨筒蒙頂茶遙憐羣穉  
口流沫大雨馳餉可至邪昨夜癡魂飛到家小池開漏芙蓉花  
余旣作噉荔詩王梅翁師小山邊錦川馬星四彭癯九  
諸君子皆繼作爭奇競麗余退避三舍矣復疊韻成篇  
以志欣佩吳受恬塾師在省署已寄餉去故未韻及之  
君謨東坡骨已灰九百年驚駒隙催名篇妙譜有誰嗣英多磊  
落詩人來王郎游蹤滿湖海絕代輜軒恣甄採師邊偉抱兼萬  
夫彭馬少年志千載諸君生長古秦州河嶽氣吞峨與涪與余  
傾蓋雁塔頂欣然聯騎蠶叢游區區微物丹荔子古筆何堪相  
疥疔篇篇奇錦鬪新機字字華星成異瑞始知名理苞根芽此  
詩此果皆蔑加且讀且噉色香竝坐忘苦酒拋名茶集成各有  
荔支作嘉州之游何壯邪寄餉吳安當至家冒雨獨謠尋浣花

寄謝清秋泮觀察

去冬種竹初盈園春來不受風雨恩十僅一活低且瘦祇綠沙  
礫難培根看竹閒訪秋浦窈乃云得法言無煩衙齋萬篠方成  
林當爲分蔭學使門我方持節行按部雖聞此語不遑顧睂州  
好雨又嘉州寢繞家園池畔路家中昨日報平安滿園簇簇森  
檀欒上承靈霖日飄灑下得溪泥資鬱蟠新竹移來欣得地吟  
風嘯月搖淡翠可憐舊竹已半枯突出爭雄亦橫恣主人在家  
時竹意何離披今朝竹陰下不見主人歸世閒有此奇事否作  
書馳問秋浦窈笑掀髯吾豈知太空冥冥何不有長日方尋  
周與胡謂執庵丈與恕堂兄秋浦所習也碧箏引滿眞良圖欲傳種竹不傳訣  
待子歲莫歸來乎

敘州載蘭至瀘州聊記花事

香艸莖州產無殊楚澤隈  
蠻風春後信映嶺雪前胎  
有客接尋到呼奴荷擔來  
幽蘭初不覺自向晚風開

突兀狂霖降通宵失眠魔  
空庭繞雷電芒屨入瀉波  
盆盎遷移速琴書掩映多  
禁持風雨後花葉鎮婆娑

爛漫百蘭發盛衰知互相  
因循一旬賞澹蕩幾枝存  
載汝來官

舫呼羣對酒尊瀘州三百里  
相伴又庭軒

敘州試院買蘭百盆題曰百蘭山館

日氣蒸荒院炎天更苦晴  
詩人忽狂喜嫩蘂又重生  
花有回旋力天償愛護情  
素心超澹極風月夜逾清

瀘州立秋夜別陳廣勇

新秋風露上窗紗  
鎖院沈沈漏鼓撾  
某散酒醒人欲別  
幽蘭添得幾枝花

熱甚大風雨卽事



隆隆赤日懸中庭此閒酷暑吾未經虛堂按几炙如火想覓野  
天山失青旋風驟雨何處至搏挽炎歊有天意大樹顛搖不自  
持幽花潤澤還增媚乍有秋涼閒處催呼鐙掃石靜銜杯語言  
文字都增韻勝賞渝州第一回

月餅詞限韻六首同取古諸生作再生崇文詩論甚有  
懷抱書扇獎之

佳節欣收汲古倫詩才賦手鬪清新試看餅樣圖如月誰是來  
年折桂人

春明月餅數陳家贏得兒童笑語譁消受  
帝城風味飽寢醒一枕落三巴

莽莽山城雨氣寒溼雲籠岫曉成團清風有意收殘滴夜月安  
排對酒看

黃池擾擾忽三年荒徧荆吳豫粵田此夜月明烽火息千村萬  
落慶團圓

四時八節快如風賦餅題餠意興同看徧人閒兒女樂嫦娥漸  
老鬢飄蓬

想見三孫半黠癡中庭拜月正娛嬉秋涼果餅休頻索須記阿  
翁念汝時

酉陽歲科兩試頻得佳士喜成一律卽屬諸生和作

蜀天青入楚黔隈撥盡蠻煙立馬來佳節無心逢大月深山作  
意毓名材文章自有真源接風氣還憑傑士開遲汝明光來射  
策勤研經史是根芽

涪州重聚

自重慶按試酉陽王梅給邊子重畱住涪州酉陽試畢

返至涪州重聚

客歲才傾蓋年光迅若馳文章關氣誼風雨接襟期雲嬾談初  
健花明句轉奇吾生疏拙性良友道相宜

秦棧無寒樹成都贖艸堂行尋紗縠在樓間荔支荒陬道炎天  
茗渝州雨夜鷓重重詩酒印鴻爪未蒼茫

東去思州路巉巖不可鑄三旬行役苦二客別懷牽鉛槧仍同  
味雲山似隔天中秋最相憶猶幸月團圓

馳驅忽千里風雨泊涪州快值重陽節仍成七客游怪山無可  
說大白不勝浮詩畫空空妙憑從篋衍收

書強忠烈公紀李忠愍公毓昌被害事並家書二紙卷  
後爲州牧萼圃前輩作

仁宗御宇十八年昭陽作噩正秋九賊連三省通內壙突入

宮廷古未有幸哉滑縣擒厥渠強公則之鉦難走請兵大府置  
不理賊失期起橫擊培強公一以何足奇

社稷馮依實功首內逆先翦外孽除用兵三月如摧朽功成事  
定

卹詔下諡以忠烈優廕後韓城滑縣兩專祠照耀河山射星斗  
我時年方十五六日日邸鈔看在手

詔書重疊見公名天意生才信非偶時事遷流四十年晚晚兒  
童今老妾當時

成廟尙龍潛智勇神槍燹戎醜鼎湖弓劍已三年沖齡雲日欽  
我

后賊氛忽自粵西起及初刈之如拔莠潢池擾擾誰使然置吏  
庸庸職其咎文恬武嬉勢難振賊至城空心不守界延楚吳及

豫晉歲逾戊亥逮子丑忽傳露布收南京我正風飄出二酉黃  
花嬌客喜動枝白月娛人乍窺牖往哲流風尋白陸忠州夜雨  
澤薪標煙雲隱几翠屏來氣誼詞林特輩厚卓哉良牧吾久聞  
忠烈之子庭誥受家書款款如菽粟遺墨瑩瑩照瓊玖烏乎紀  
事迹李公忠愍忠烈同歲友直心不作委曲事此語真堪金石  
剖取義雖因激烈明懷忠實自蓄積久今日如公得數輩何至  
中原嗟踐蹂雄關不遇一夫當弩矢空勞千里負

國家養士二百年多少科名慙印綬勤聽漏鼓盼捷書聊發長

謠傾苦酒

時謠傳金陵收復

師小山於西陽大酉洞得古瓦當背刻大鳥形余定爲  
東京物小山手製爲硯細潤宜墨爲作詩以張之並索  
梅谿子重星四寢九諸君子同作

前明初設宣撫司炎鰭早入武陵郡茫茫古物出荒山東京畫  
象畱餘韵畫象箸錄洪至黃任城肥城與嘉祥帝王賢聖視模  
范內番鱗羽紛游翔五瑞圖形峙西狹大鳥刻石傳射易古情  
樸至渺顧陸諷稽博恣推錢王一朝西陽拾片瓦獨鶴翩然下  
大野休傳古印元長官邠數銅鍾唐駙馬西陽相傳金師宜官  
石祇此二種裔好古儔持示鯁生口爲哆視材脫出秋雨飛墨香濃時夜鐙  
地今年重陽不見菊萬斛幽懷無處寫荒巖祕洞快游歷奇石  
斷峯閒玩把諸君子每游巖洞  
必攜有異石而返遂令殘臂二千季忽遁蠻煙昵  
儒雅香姜銅雀不足論龍尾鳳殊真可舍招邀莫忘賢主人伍  
芸  
青署收兩旬寢繞容江濱從今步入荒僻徑注視不厭千邊巡孕  
奇匿秀不擇地時亦吐氣成蒼蒼目光眯眯著塵土足爾萬山  
空白雲

白公祠

昨日謁陸公墓今日謁白公祠兩公忠讜有直節皆以貶謫官於斯嘗時事主非不遇貞元元和皆有爲其言有用有不用苦被奸相相傾危宣公十載竟齋志內召不及空餘悲墓門蕭蕭挺大樹傑立千載江風吹香山再起歷中外晚節兄弟歸怕怕龍門東坡與東澗花柳仿佛流風遺烏乎兩公不可作文采尙幸星日垂煌煌內相中書集款款拾遺樂府詞忠州兩忠合竝梓以爲教忠百世師

忠州道中閱石濤畫次韵題冊後

老夫昨日偶穿山險被雲封不得還扶杖歸來尋水墨筆鋒點破萬峯顏

曾穿慮阜入黃山攜得松雲滿擔還今日畫船稱使者鏡中猶

是野夫顏

十月朔日忠州道中次石檣畫冊中韻

泉聲妙雜雨聲傳不辨前村上下田如此煙雲如此樹好攜琴  
磯上漁船

過萬縣至雲陽風雨不泊偶展石檣畫冊漫次其韻

西風著樹葉東飛露出江心石面肥行過忠州三百里冷雲斜  
雨望夔歸

與監場諸廣文晨酌漫賦

鎖院沈沈早閉關清樽卯飲易酡顏戴星藉破荒衙寂聽雨堪  
銷白晝閒從古風雲壯夔峽於今鎖鑰重巫山諸君門館兼文  
武莫把經時願盡刪

疊韻請再和



岷江控勒在夔關忽到平岡一破顏晴雨妙添談畫樂丹黃難  
遇把杯閒要思拔雋先懲惡除卻投才卽看山水息中原豺虎  
迹東南遠寤幾時刪

催襄校諸君子和韵

每下危灘似過關乍扁淡院且開顏三秋雨苦青天少八陣圖  
空白帝閒地到夔巫成大局人從忠酉逐忙山蒼涼古抱兼時  
感詩未嫌多莫漫刪

疊韵謝黃新甫吳有齋送酒

麻衣脫後別鄉關閱徧廬黃萬岫顏意外忽叨持節重公餘那  
復著書閒行行官舫宜聽雨處處江城飽看山日下故人頻送  
酒十年離緒暫教刪

邊子重養病已愈尙不飲酒疊韵奉柬

試事澁嚴苦閉關秋來肥瘠鏡中顏護持從此應增健勘閱何  
妨少放閒鄉牒飛餘秦棧兩詩懷盛似蜀天山開簾喜覓夔州  
月何苦輕將酒事刪

袁簡齋先生杖鄉圖詩爲少蘭大令

祖題

題去年晤哲

弟於揚州竝及之

山水文章兒女緣此翁真是地行僂披圖不憾余生晚憾不畱  
公到百年

天與多方媼老夫杖鄉有杖幾曾扶八博不敢迷花至六十年  
前事記無

先生六十杖鄉年尙欠人閒詩幾千豈料告存生壙就狂游躑  
徧粵闔天

平生幾度到隨園幽徑玲瓏紫雪軒多少雋流還拜墓春風管

領屬吟魂

詞章攷據辨斤斤本共源流任合分我有隨園著書墨研山香  
動小倉雲

比年傾蓋兩孫枝儒雅猶承祖硯遺最是秋江風雨夜桓侯祠  
下快談詩

萬縣流杯池題涪翁記後

建中靖國許東歸南浦西山暫拂衣亭榭甚荒存佛屋龍蛇迹  
在映漁磯江南野水窮魂到臣甫杜鵬詩涕揮今日中原尙在  
戰慙余秉節望

皇畿

巢燕

昨日汗沾衣今日寒上面行行入山深氣候迭更變頗訝秋氣

溪梁閒尙棲燕想見山中樂香巢有餘戀

雨後

山行數百里巖罅皆有泉兼挾雨後力萬瀑爭飛懸白如瓊瑤  
瀉漏落高下田雖云行路難且喜民有年

送馬星四彭癯九省覲旋沔縣

翩翩同整老萊衣送客登車淚暗揮羨汝有歡承菽水愴余何  
處問庭闈蜀山聯騎詩煩就秦棧懷人雪已飛樽酒莫辭珍重  
意少年才氣兩君稀

江油試院四松歌

甲寅

大匡山下軒車止何處浪浪水聲起昂首高松疑古仙纖末長  
風接天咫尺方亭翼然倚樹根但見老幹青銅皴枝葉迢遙在空  
際不知下有聽松人狂風夜挾奇雨走屋壁動搖窗紙吼匡牀

欲化孤艇飛客心默與四松守清晨風定雨後涼眾木浮浮初  
日光四山鬢髮破晴出滿園蜂蝶漁松香堂前諸生競新句堂  
後詩人奇語鏘嗟余點黠疲丹鉛聊復消搖謔掌故諦昔乾隆  
歲丙申四松森立高過人迄今計未百年耳得勢竝作虬龍伸  
鎖院深巖少人至雨露偏濃足天惠文章止許棲鸞皇注白無  
緣穴蟲蟻本根不搖真氣充神明造化斯感通扶培國棟是誰  
事兢兢此理銘吾衷

灌縣畢汲生

庭璣

少尉署酒後贈雪傭

我來灌口踟長虹挹袖欣逢老雪翁文字緣淡十年事江山奇  
絕一樽同辭官使及康強日有子能傳吏隱風好挈諸孫讀書  
罷離堆看水出城東

龍安試畢由灌縣旋成都雜詩

江源自西北落落布星斗束縛出都江洶洶龍雷吼李君亦何  
神離華人力割派別東南行膏澤萬千畝水勢如龍行洋洋不  
回首全蜀利養源壯哉此鎖紐人力副天造膏腴天下右迢迢  
二千載仰望賢太守

雪傭鬢未雪就養少尉廳一笑口欲脫離緒十年經離堆看水  
回浩瀚翻酒瓶兩翁既爛漫諸友忘醉醒願君勤頤養菽水延  
喬齡歎彼青雲貴不識陔蘭馨庭前數弓地百花繁比星婉婉  
聚兒孫歡笑滿一庭

昨游青城山今入雪峯寺青城空有名雪峯果幽異松栢五萬  
株手植亦奇事生枯得相半天風盪古翠千佛無一佛佛佛無  
了義狂鷗或傷稼風伯太遊戲一揖白龍神敢謂通幽祕馳入  
錦官城居然大雨至

大雨亦已至使車亦已回琴書幸無恙兒孫笑成堆呼童覓竹  
去趁此天膏培雨亦閒日至竹亦隨時栽蒼蒼萬竹林不知何  
處來官衙及古寺有請無不諧連晨看種竹一日千叢何雖云  
息行役頗亦困吾才

鑿池復鑿井積土遂成山池井有意得山來縹緲閒雜植松桂  
梧石磴便躋攀相攜山上來炊煙起通闌雖無遠景援萬象能  
回環癡孫自嬾讀水墨塗爛斑上山復臨水畫妙出孩頑他時  
補吾短聊破老夫顏

柬俞麟士

眉州一櫂泊嘉州想見當年載酒游試問課詩亭畔客誰遣坡

穎其千秋

麟士於坡出  
山作課詩亭

餽荔頻頻飛騎至燈前那厭酒杯淺  
膠回一夜風兼雨活偏新

移苦竹林

雅州考古日與諸君子酒閒讀東坡八陣圖詩漫占數句

驛路邛州又雅州萬山深處雨聲稠酒懷暫可銷殘暑花事猶能豔早秋敢厭人材多樸拙須知邊略貴懷柔當年中外交持日隱忍誰人測武侯

諸君子皆有和作復得二首

蔡蒙山色指梁州雨腳浪浪晚更稠黎雅秀才能幾輩高樊逸韻自千秋看花院靜碁聲碎論古天高酒力柔爲勸風檐齊努力威儀好興寫賢侯

昨日考古題有樊敏高頤碑攷秀才論今日試生員題威儀也

武皇域外拓方州使節軍符遣調稠縱有雄才說屠馬何曾大義識春秋漏天自古無從補蠻俗於今豈易柔粵峒殘魂尙滋



蔓徑思投筆問封侯

用蔣九詩意復推關之今  
粵寇蔓延亦自夷廟出

去年中秋按試西陽冉生

崇文

以山爲城賦最奇傑今

日中秋試甯遠曹生

永賢

籌邊樓賦可與相埒又吳生

鍾麟顏生

啟華

之作亦俱不凡夜晴見月喜成一律

山城斗絕觀奇文今日籌邊語軼羣萬里使星差不負一年秋色又平分涼風滿榻收殘暑好月當空埽片雲河北江南方奏凱濡毫待汝勒殊勳

西昌試院中秋夜窅聞麝丸未眠感賦

有客頻呼酒滿斟感余推枕復披襟且看邊郡微茫月聊慰英年浩蕩心鄉廡未愁秦樹遠羽書無奈楚雲深寒蛩滿院關何事一夜追陪作苦吟

諸君子賜和復奉荅二首

當筵爛漫酒頻斟，特爲嫦娥一整襟。  
風致翩如團扇影，文章照出玉壺心。  
詩懷已出蜀天外，夜氣更隨蠻箐深。  
佳節方知隨地，有何妨燕客作吳吟。

造物陰陽頗酌斟，濃雲缺處月來襟。  
暫迴連日分秋雨，徧慰天涯作客心。  
鴻鴈信從何處問，桂花香孕隔年深。  
祇余半老慙杯杓，比屋聊爲擁被吟。

甲寅中秋西昌試院憶兩弟

從來出處理難斟，天道連枝各判襟。  
三載寄書長瀆淚，今宵見月可同心。  
江山戎馬驚難定，鬢髮風霜染易深。  
塵網何時歸計遂，湘舟聽雨快聯吟。

與何伯石翁談及理數合一之旨

每將飲子就君斟，妙理清言愜素襟。  
縱識三才都有數，敢將萬

事付無心月光自古多圓缺秋思隨人各淺深一戰乍揮狂論  
發荒山驚斷老猿吟

和戎

和戎何事引鄴斟試與敷陳一振襟將略最先惟介節邊防尤  
貴拾羣心飛來明月遠非遠照徧涼山深復深卻念河東安氏  
子良宵應作越囚吟

時素解安  
平康事

和馬星四建昌中秋書懷原韻

象嶺南來獲解鞍諸君願祝放懷寬癯魂已任還鄉熟文字何  
妨對酒看風雨聲從秋後緊山河影入月中寒客途佳思應珍  
重排日聯吟得古歡

次廖九絕句韻卽事作

邊山久喜罷防秋眼底邛池小若甌鎖院又逢佳節過樽前迴

憶西陽州

聖夷地向此閒分夜夜風橫出塞雲東望中原山一髮干戈猶

聖明君

惟有秦中與蜀滇三年幸未染狼煙忍看一片堂堂月獨照西  
南萬里天

近聞烽火到宜昌兵下夔巫正未央我自衡文行按部身雖閒  
雅此心忙

佳音揆得快人心靜夜閒聽楚女碁聞說高唐軍大捷洗兵先  
效艸堂吟

估客船從峽裏歸江南露布定如飛春明曾否巡防撤運鎮先  
應報解圍

想到鏡歌喜又驚  
渾忘身在蜀邊城  
寢中歸路無南北  
一枕醒餘又兩聲

詩題醉後字橫斜  
卻看閒雲薄似紗  
偶占高坡望邛海  
夜鏡微露幾漁家

疊中秋見月韵題張義門年丈

以存詩彙  
鹽源縣人辛酉科拔貢

少微連日見星文  
竊幸論交接紀羣模  
範尚欣前輩在波瀾  
定許後賢分人過  
瀘水多邊氣天入蠻  
荒結采雲自媿使車  
勞獎借恩恩漫策管城勳

消寒四詩次顧幼耕韵

寒琴

有琴久不彈  
恐或作秋聲  
商絃最淒切  
感我萬古情  
北風凜然至  
林鳥瘖不鳴  
雪後凍月出  
江山寒愈明  
心知天地肅  
陰極有

陽生欣然調玉軫攜汝就前楹一彈海水化再鼓山岬噪霜氣  
到十指夜色逼五更有絃逸欲絕有歌難再展雖慙泰谷律聊  
得寢魂清

寒樹

蓬山必往游遇酒不及嬾聊資適懷抱豈謂極宴衍自從冬令  
來溪山寂亭館梅花數十枝香色大千滿酒香和花氣快把腸  
胃浣百尊不一空寒梅爲之煩天地豁然開衣帶不覺緩凍月  
來親人寒星大如盤誰期南至節翻苦夜漏短紛紛門外事自  
有閒人管

寒硯

平生不蓄硯不解與摩抄但求聚墨足無暇計其它揮灑正橫  
恣硯海澌不波墨光既黯澹書勢成沓拖紙上起冰雪筆尖出

矛戈忽思持硯去洗盥臨黃河堅貞既保護渣滓全瑩磨硯閒  
手亦罷所獲豈不多直待春和時助我長吟哦一笑竟不能仍  
就窗前呵

寒碁

炎夏臨楸枰冷玉勝煥玉豈知寒齋夜開枰手先束拈子將十  
年指尖瘦成竹無如手挽低不堪入品目偶逢大敵至亦或先  
幾燭有如百敗人且逐中原鹿今與嚴寒鏖盛氣焉肯伏風雪  
天上來項臂潛起粟勝負雖已明斂退難終局是謂戰交綏急  
展重衾宿

猿臂翁

書律本與射理同貴在懸臂能圓空以簡柳煩靜制動四面滿  
足吾居中李將軍射本天授猿臂豈止兩臂通氣自蹕息極指

頂肩伸進退皆玲瓏平居習書頗悟此將四十載無成功吾書  
不就廣不侯雖曰人事疑天窮同心忽遇二三子篆分隸楷各  
求工皆用我法勝我巧巧不可傳法可公惟當努力躡前古莫  
嗤小技如雕蟲烏乎書本六藝一斷進於道義務充閱理萬端  
讀萬卷消長得失惟反躬外緣既輕內自重志氣不一非英雄  
笑余慣持五寸管無力能彎三石弓時方用兵何處使聊復自  
呼猿臂翁

孫生思九手錄十三經皆莊楷無一誤字其子道南才  
十五歲能全讀背誦是父是子吾所未見也既同取入  
學以段注說文付令講求經義竝喜成一律賜之兼爲  
諸生勉學

孫郎手寫十三經洛誦佳兒水瀉瓶廢學久慙吾輩白賞奇同



快子衿青貴將古義尋周孔更萃羣言別渭涇莫被書廚嘲陸  
監舊文先去講聲形

送何伯石歸襄城

饑秋先饒石翁歸甞醉黃花百穢飛錦水初寒素棧冷勉加餐  
飯記添衣

消寒小集次韻和陸次山

酒鄉詩國大無比豈以南北疆域殊有時連衡敵孤壘亦或當  
關雄一夫次山多日廢杯穢忽飛巨觥狂且呼積渴已久怒一  
發同人靜看成攣拘西湖此日是何境梅花粲爛三千株與君  
同是舊游處百回載酒攜尊鑪詩痕畫艸疥古壁懶魚閒鶴皆  
我徒錦城相去四千里簪盃乍喜聯秦吳乾坤俛仰雜吁笑蜀  
道豈足爲崎嶇它日歸計儻同遂越吟不復思巴歛消寒只在

湖濱處時喚梅妻倒一壺

過次山談畫仍次韵

評帖看畫幾真鑿有似聚訟人人殊古墨在紙不解語柱以拙  
目徇陋夫文人相輕況已久大家睡寤誰能呼我獨高睨覩天  
輿謂有活相非墟拘有才有力是根底無神無韵皆枯株猥持  
此見四十載萬品到眸金入鑪乃逢陸子相視笑微尙近似真  
吾徒卻嗤環谿巖樓輩南北者好分燕吳從來論學有坦路何  
苦分響尋崎嶇錦官城裏快諷古道旁觀聽皆擲掄作詩記事  
好藏祕聊與消寒尋酒壺

甲寅臘月十一日大雪爲蜀中僅見酒基後又談說文

卽事用坡韵

冬來夜夜浮竹葉直到今朝才賞雪兩年住慣錦官城聞見於

茲詫奇絕老梅乍覘一枝破凍齧何辭兩螯折聾聾促御共談  
笑鐵燭怯寒互明滅諧語聊同燭燕嬉高談又作魚龍掣都乘  
狂趣發心蕊那覺醉痕生眼纈本來冬味比春濃況有雪光如  
玉屑主人珍重不忍散冑把佳時付一瞥酒闌棊罷更談菽字  
猶易解文難說且當宴暇尋溫鑪莫再宵淺磨寒鐵

研華居士屢致鐵園居士詩和音不至知其窘矣仍用  
坡韵解兩家之難

鐵園宣公之後葉少壯才名豔於雪一官磊落蜀西天詩畫書  
兼狂四絕研華吳中逋交裔於詩畫理肱九折琴劍翩然萬里  
游姓名生怕千載滅兩君辭后相視笑碧海魚龍互騰擊新篇  
投報無日無我坐旁觀眼生纈日來漸覺越師老小惠投膠真  
瑣屑吳軍竟長黃池盟勝負何常如一瞥錦城寒甚春欲來雪

後月明妙難說此羸欲解兩軍圍十指森森凍成鐵

題香光閣游畫卷後陸次山藏

平生藏度多古怪不耆董書憐董畫董書力盡使轉中董畫韵  
餘演拂外鐵園居士夙工此精詣欲兼南北派自從抹煞李將  
軍寫徧千山意猶隘低脊乃收畫禪迹典裘甘欠酒家債閩中  
山水多勁削與香光筆殊和介鋒棧忽變平時勢始信神通出  
狡獪我昔聞游游最狂鼓山宗洞詩墨疥雖無粉本狀幽奇頗  
有新詞騁雄快十六年來人事多癭痕忽印錦官麻碁聲乍歇  
酒杯媿消寒又與添詩械安得東南烽火息雙屐從君破煙靄

千秋抹煞李將軍次山  
西湖畫壁自題句也